

Uunga siunnersuut: Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaata allanngortinneqarnera pillugu Inatsisartut inatsisaat

(Aningaasaqarnermut Naligiissitaanermullu Naalakkersuisoq)

Akissuteqaat

(Aningaasaqarnermut Naligiissitaanermullu Naalakkersuisoq)

Pingajussaaneerreqarnera

Naalakkersuisut sinnerlugit ataatsimiititaliap pingajussaaneerinninnermut ilassutitut isumaliutissiissutaanut qujarusuppunga.

Ataatsimiititaliaq isumaliutissiissummi soraarnerussutisianut ileqqaagaqarnermi toqusoqartillugu matussusiisarneq pillugu apeqquteqarpoq.

Soraarnerussutisiassanut karsini aamma soraarnerussutisiaqarnermut sillimmasiinemik ingerlatseqatigiiffinni ataasiakkaani, soraarninngunnginnermi imaluunniit soraarninngornerup kinguninngua toqusoqartillugu matussusiinermut atugarititat assigiittanngillat. Tamatumani soraarnerussutisiassanut karsini aamma soraarnerussutisiaqarnermut sillimmasiinemik ingerlatseqatigiiffinni ataasiakkaani malittarisassat aamma ileqqaagaqartup isumaqatigiissutai ilaatigut apeqqutaasarpud. Nammineerluni soraarnerussutisiaqarnissamut ileqqaagaqarluni qimataasunut ilapittuutaasumik sillimmasiinissamik ilaatigut periarfissartaqartarpoq.

Akilerartarnermut Aqutsisoqarfiup SISA-mi soraarnerussutisiaqarnissamut ileqqaakkat pilersinneqartartut, isumaqatigiissut naapertorlugu kingornussisussanut tunniunneqartarput.

Aningaasaateqarfinni soraarnerussutisiaqarnissamut aaqqissuussanut tunngatillugu, aningaasarsianit akilerarutitut inatsit § 47 b, imm. 2-mi allaqqavoq, aaqqissuussaqaalernermi piginnittoq qimaguppat kimut soraarnerussutisiassanut ileqqaakkat tunniunneqassanersut aalajangerneqassasoq.

Aappassaaneerinninnermi taaneqartutut Naalakkersuisut itinerusumik paasissutissiinissamut kaammattuutit tusaatissatut tigunguuai, inatsisartullu inatsisaannut suliamut ilanngukkumaarlugit.

Taamatut naatsumik oqaaseqarlunga Naalakkersuisut sinnerlugit siunnersuut saqqummiunneqartoq allannguuteqarani inaarutaasumik akuerineqassasoq inassutigaara.